



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**ACTA DA SESIÓN ORDINARIA DO CONCELLO PLENO CELEBRADA O DÍA NOVE DE XUÑO DE DOUS MIL DEZASEIS.**

**ASISTENTES:**

**Presidente:**

D. Roberto García Pernas.

**Concelleiros asistentes:**

D.Luis Otero Paz

D. José Prieto Barro.

D. Luis A. Vilasuso Seco

D.Carlos Alberto Guerra González.

D<sup>a</sup> Tamara Paz Balsa..

D.Antonio Riveira Requeijo

D.Mario Felix García Prieto

Dna. Isabel Campello Ares.

D. Óscar González Pardo

Dna. María do Mar Hermida Pico

No salón de sesións da Casa do Concello de Xermade, sendo as vinte horas do día 9 de xuño de dous mil dezaseis, xúntanse, en cumprimento do disposto nos artigos 195 da Lei Orgánica 5/1985 de 19 de xuño de Réxime Electoral Xeral e art. 37.1 do Regulamento de Organización, Funcionamento e Réxime Xurídico das Corporacións Locais, aprobado por RD 2568/86 de 28 de novembro, en sesión ordinaria, primeira convocatoria, previamente convocados para o efecto, os concelleiros/as electos/as relacionados/as na marxe, co obxecto de celebrar sesión ordinaria.

Foron asistidos pola Secretaria-Interventora do Concello Dona Paula Campos Rodríguez.

**Secretaria- Interventora:**

Paula Campos Rodriguez .

**1.- APROBACIÓN DO BORRADOR DA ACTA DA SESIÓN ANTERIOR.**

O Sr.Alcalde pregúntalles aos señores concelleiros se desexan realizar algunha observación sobre o borrador da acta da sesión anterior de carácter ordinario, de data de 14 de abril de 2016. O Portavoz de Grupo do Partido Popular fai unha observación en relación á moción presentada polo seu grupo na pasada sesión plenaria relativa á aprobación da redacción dunha ordenanza municipal que recollera á bonificación na cota íntegra do imposto de bens inmobles no apartado que fai referencia ó comentado por el na presentación da mesma e onde pon “sexa igual ao 100% ou igual / superior ao 80% do valor catastral “quixo dicir :” que sexa igual ou superior ao 20% do valor catastral “e que se proceda a súa corrección.

Feita esta corrección na acta, a mesma resulta aprobada por unanimidade dos concelleiros asistentes.

A continuación toma a palabra o portavoz do BNG D. Óscar González Pardo para deixar constancia da renuncia dos dous concelleiros deste partido ás dietas que ían cobrar pola asistencia a esta sesión plenaria (60€ cada un) para destinar estes cartos á compra de alimentos para as familias pedindo que se xestione esta compra e o reparto pola Traballadora social do Concello aclarando que falarán con ela para revisar os alimentos non perecedoiros que se merquen e o reparto equitativo que se faga dos mesmos xa que tiveron queixas dos poucos alimentos que chegan ás familias máis desfavorecidas de Xermade.

**2.- RESOLUCIÓNS DA ALCALDÍA E INFORMES .**



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

1º. De conformidade co disposto no artigo 42 do Real Decreto 2568/86 do 28 de novembro, polo que se aproba o Regulamento de organización, funcionamento e réxime xurídico das entidades locais, dáse conta ós concelleiros das Resolucións da Alcaldía ditadas entre os días oito (8) de abril ata o seis (6) de xuño de 2016 (nº 88 a nº 163). A Corporación dáse por enterada.

### 3.-RECTIFICACIÓN DO ACORDO DE PLENO DE 9/07/2015 DAS RETRIBUCIÓNS DO ALCALDE.

Dáse conta da seguinte Proposta de Alcaldía :

Visto o informe de secretaría intervención emitido en data 12 de abril de 2016, do seguinte tenor literal:

#### **INFORME DE INTERVENCIÓN**

No exercicio das labores de fiscalización de gasto de persoal inherentes ao posto de intervención, e concretamente ao calcular as retribucións do persoal para a remisión dos datos retributivos do persoal ao servizo desta administración pública, empregados público e órganos de goberno, a través da aplicación ISPA, detectouse en relación coas retribucións da alcaldía o seguinte:

- O artigo 7.2 da Lei 53/1984, de 26 de decembro de Incompatibilidades do persoal establece que: os servizos prestados no **segundo posto ou actividade** non se computarán a efectos de trienios nin de dereitos pasivos, podendo suspenderse a cotización a este último efecto. As pagas extraordinarias, así como as prestacións de carácter familiar só poderán percibirse por un dos postos, calquera que sexa a súa natureza.

Na sesión plenaria de data 9 de xullo de 2015, o Pleno do Concello, por maioría simple resultante dos votos a favor dos cinco concelleiros do grupo socialista, aprobou a proposta de alcaldía do seguinte tenor literal:

**PRIMEIRO.-** *Recoñecer unha dedicación parcial de 25 horas/semana, en horario de mañá, cun soldo bruto anual de 22.400 euros, a partir do 1 de xaneiro de 2016 (soldo bruto mensual de 1.600 euros), ó Alcalde- Presidente, cunha subida anual, cando estea prevista en orzamentos igual a subida regulamentada anualmente para o persoal nas Leis de Orzamentos Xerais do Estado. Durante os meses que quedan para rematar o 2015, o soldo bruto mensual a percibir será de 1.435 euros.*

*As Concellarías con dedicacións parciais non poderán percibir asistencias por asistencias a sesións de órganos colexiados, pero si indemnizacións (locomoción) polos gastos ocasionados polo exercicio do cargo, cando sexan efectivos, e previa xustificación. A realización de outras actividades que impliquen ingresos deberá comunicarse á Corporación para a declaración de compatibilidade.*

*Segundo o artigo 75.2 da Lei de Bases do Réxime Local, os membros das corporacións locais que sexan persoal das Administracións Públicas unicamente poderán percibir retribucións pola súa dedicación parcial fora da xornada de traballo, nos termos fixados no artigo 5 da Lei 53/1984, de 26 de decembro, sen prexuízo do disposto no apartado sexto do presente artigo.*

*O artigo 5.2 da lei 53/1984, de incompatibilidades do persoal, establece que a Administración na que preste servizos o membro da corporación local en réxime de dedicación parcial e a propia corporación deberán comunicarse reciprocamente a xornada de traballo e as retribucións percibidas, e as modificacións que se leven a cabo.*

*Sendo que o Alcalde é funcionario da Xunta de Galicia, Consellería de Medio Ambiente, Axente Facultativo, grupo C. o Pleno acorda a súa compatibilidade ó non incorrer en ningún dos supostos previstos na Lei 53/1984 de 26 de decembro, de incompatibilidades do*



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

*persoal ó servizo das Administracións Públicas, e ó non prexudicar ó horario establecido para esta dedicación.*

*TERCEIRO.- Establecer a contía a percibir por asistencias, dietas e locomoción nas seguintes cantidades:*

- *Asistencias a órganos colexiados (Pleno, Comisión Especial de Contas, Xunta de Goberno Local e Consello Escolar): 60 €, cun tope máximo anual de 12 sesións de pleno, 36 sesións de Xunta de Goberno, 3 sesións de Comisión Especial de Contas e 8 de sesións de Consello Escolar. A devandita contía será efectiva a partir do 1 de xaneiro de 2016.*
- *Indemnizacións por razón do servizo: as establecidas na Lexislación xeral do Estado, RD 462/2002 de 24 de maio, e nas bases de execución do orzamento referidas a saídas fora do termo municipal.*
- *Locomoción: a establecida na lexislación Xeral do estado, RD 462/2002 de 24 de maio.*
- *Tesourería: 100,00 €/mes*

*CUARTO.- Dar conta a Intervención para que adopte as medidas oportunas e realice as necesarias modificacións no orzamento.*

*QUINTO.- Publicar este acordo no BOP a efectos de alegacións, transcorridos os cales, se non se presentasen entenderase aprobado definitivamente.*

*A pesar de que a acta non fai referencia explícita a 14 pagas, e non se fala de pagas extra a realidade é que 1.600 por 14 pagas suman os 22.400 euros, entendendo esta secretaría intervención que dous teñen o carácter de pagas extra, considerando que houbo un erro ao non especificar o número de pagas, e polo tanto resultaría improcedente a percepción de pagas extra.*

*Polo tanto, e dado que non se ten constancia de que o alcalde renunciase á percepción das gratificacións extraordinarias no seu posto principal, esta secretaría intervención **INFORMA** que se debe aclarar e rectificar o erro do devandito acordo plenario, aclarando e especificando que o soldo bruto fixado de **1.600 euros brutos ao mes, devénguese en 12 mensualidades**, polo que, aínda de non facer referencia dito acordo ao carácter de paga extra, o alcalde deberá devolver a contía de 668 euros, que percibiu no mes de decembro do 2015, ou solicitar a compensación na seguinte nómina que perciba, e que se dite inmediatamente acordo ordenando o reintegro da devandita cantidade e a rectificación do acordo plenario nese sentido.*

*A revisión de actos e acordos polas corporacións locais está prevista na lexislación sobre procedemento administrativo común, que establece que as administracións públicas poderán rectificar en calquera momento, de oficio ou a instancia dos interesados, os erros existentes nos seus actos.*

*En Xermade, a 12 de abril de 2015. A secretaría interventora.- Ana Elena Fernández del Valle*

Vista a posibilidade que teñen as administracións públicas de rectificar en calquera momento os erros existentes nos seus actos.

Ao abeiro do previsto no artigo 82.3 do ROF, que permite a inclusión na orde do día do pleno de asuntos non ditaminados previamente, unha vez apreciada a súa ratificación polo pleno,

### **PROPOÑO AO PLENO A ADOPCIÓN DO SEGUINTE**

#### ACORDO:

**Primeiro.-** Aclarar e rectificar o erro contido no acordo do Pleno de data 9 de xullo de 2015, no que se establecían unhas retribucións de 1.600 euros brutos ao mes, sen especificar o número de pagas nin o seu carácter, de xeito que ditas retribucións sexan devengadas en 12 mensualidades sen percibir pagas extraordinarias nesta administración, ao abeiro do disposto no informe de secretaría intervención, por unha contía anual de 19.200 euros, de acordo coa seguinte literalidade



**ACORDO:**

**PRIMEIRO.-** Recoñecer unha dedicación parcial de 25 horas/semana, en horario de mañá, cun soldo bruto anual de **19.200 euros**, a partir do 1 de xaneiro de 2016 (soldo bruto mensual de 1.600 euros a percibir en 12 mensualidades), ó Alcalde- Presidente, cunha subida anual, cando estea prevista en orzamentos igual a subida regulamentada anualmente para o persoal nas Leis de Orzamentos Xerais do Estado. Durante os meses que quedan para rematar o 2015, o soldo bruto mensual a percibir será de 1.425 euros.

**Segundo.-** Proceder á devolución dos 668 euros percibidos no mes de decembro de 2015, ou solicitar a compensación do devandito importe na nómina do mes de abril.

**Terceiro.-** Publicar dito acordo no Boletín Oficial da Provincia.

Pide a palabra a concelleira do BNG Dona María do Mar Hermida Pico e expón que quere presentar unha enmenda á proposta do alcalde sobre o salario, se admite a lectura da mesma polo Sr. Alcalde e procede a lectura da mesma:

**“ÓSCAR GONZÁLEZ PARDO E MARÍA DO MAR HERMIDA PICO** en calidade de Concelleiros do **BLOQUE NACIONALISTA GALEGO**, en base á lexislación vixente presentan a seguinte

**EMENDA á proposta da alcaldía para a rectificación do salario do señor alcalde.**

**Exposición de motivos.-**

Vista a posibilidade que teñen as administracións públicas de rectificar en calquera momento os erros existentes nos seus actos e como neste asunto estamos falando de rectificar unha resolución tomada en pleno o 9 de xullo de 2015 onde se aprobaba a proposta da alcaldía dunha asignación salarial de 22.600 euros anuais repartidos en 14 pagas, consideramos:

- 1) No preámbulo da lei 53/1984 inténtase definir cal é o obxecto da dita lei e a definir só a un posto de traballo dependente da administración o persoal funcionario, *“esixindo dos servidores públicos un esforzo testemuñal de exemplaridade ante os cidadáns, constituíndo nese sentido un importante avance cara á solidariedade, a moralidade da vida pública e a eficacia da administración”*.
- 2) No artigo 7 da lei 53/1984, de 26 de decembro, de incompatibilidades do persoal ao servizo das Administracións Públicas di textualmente: *“1. Será requisito necesario para autorizar a compatibilidade de actividades públicas que a cantidade total percibida por ambos os postos ou actividades non supere a correspondente ao principal, estimada en réxime de dedicación ordinaria, incrementada en:*
  - a) un 30% para os funcionarios do grupo A ou persoal de nivel equivalente;
  - b) un 35% para os funcionarios do grupo B ou persoal de nivel equivalente;
  - c) un 40% para os funcionarios do grupo C ou persoal de nivel equivalente;
  - d) un 45% para os funcionarios do grupo D ou persoal de nivel equivalente;
  - e) un 50% para os funcionarios do grupo E ou persoal de nivel equivalente.*A superación destes límites, en cómputo anual, require en cada caso acordo expreso do Goberno, órgano competente das CA ou Pleno das corporacións locais en base a razóns de especial interese para o servizo.*
- 3) No punto 2º tamén di *“as pagas extraordinarias, así como as prestacións de carácter familiar, só poderán percibirse por un dos postos, calquera que sexa a súa natureza”*.
- 4) No artigo 9 tamén di que a aprobación ou denegación da compatibilidade *“require ademais o informe favorable do órgano competente da CA ou Pleno da corporación local, conforme adscrición do segundo posto”*.
- 5) O informe da Xefatura Territorial de 4 de agosto fai referencia a que o posto de traballo do



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

señor García Pernas se rexe polo Decreto 293/1997 de 1 de outubro. No artigo 19 di “Nos casos de emerxencia e, en xeral, naqueles en que unha situación excepcional o requira, todo o persoal estará obrigado á prestación dos servizos necesarios dentro das funcións que corresponden á escala ata que cesen os motivos de urxencia ou necesidade, nos termos establecidos nos artigos anteriores”.

- 6) No artigo 29 deste Decreto sinálase que “A dedicación dos axentes forestais ás funcións propias da escala non é compatible co exercicio de ningún cargo, profesión ou actividade que impida, dificulte ou comprometa a estrita observancia dos seus deberes”.
- 7) Segundo a Orde de 21 de marzo de 2005 pola que se establece o réxime de prestación de servizos, horarios, vacacións, licenzas e permisos e compensacións económicas a percibir polo persoal da escala de axentes forestais da Xunta de Galicia, no artigo 3.4 sinala que os servizos máximos no período ordinario serán de “4 gardas en fins de semana completas cada oito semanas en cómputo anual, e nunca en dúas fins de semana consecutivas” e “5 quendas de tarde-noite cada seis semanas, estas quendas de tarde-noite realizaranse todas dentro da mesma semana”.

Tendo en conta o exposto ata agora consideramos que:

1. Que se aprobou unha compatibilidade á alcaldía coa única información facilitada polo señor Roberto García Pernas.
2. Que as administracións onde preste os seus servizos deberán de comunicarse, reciprocamente, tanto a xornada laboral como o salario e as modificacións que se leven a cabo.
3. O escrito da Xefatura Territorial da Coruña da Consellaría de Medio Ambiente Territorio e Infraestruturas é posterior á data do acordo plenario pois está rexistrada no concello co número 861 e coa data 4 de agosto de 2015.
4. O Pleno aprobou a compatibilidade do señor alcalde sen ter datos suficientes para valorar a súa posible dedicación, salvo uns cuadrantes de quendas que achegou como xustificación, sen coñecermos nin a xornada nin o salario que percibe no seu posto de funcionario.
5. O informe da Xefatura Territorial non incorpora as quendas de traballo, algo imprescindible para poder constatar as modificacións de xornada que obrigatoriamente se teñen que modificar (recollido na acta do Pleno do 9 de xullo de 2015).
6. Na convocatoria de pleno achéganse dous informes coa proposta de redución de pagas extra que non coñecemos ata o 6 de xuño de 2016, practicamente un ano despois do dito acordo plenario.

*Por todo isto, presentamos á corporación municipal a seguinte EMENDA á modificación do acordo da acta 9 de xullo de aprobación do salario do alcalde:*

- Anular o acordo plenario de 9 de xullo de 2015 en que se aprobou a asignación de 22.600 euros anuais ao señor Roberto García Pernas.
- Que o señor Roberto García Pernas proceda inmediatamente á devolución de todo o cobrado por ser un acordo irregular e non axustado á lei.

“”””

En virtude do artigo 97.5 do RD 2568/1986, de 28 de novembro de Organización, funcionamento e réxime xurídico de entidades locais e presentada por escrito a Enmenda (aínda que non ó presidente como di a norma) antes de iniciarse a deliberación do contido da mesma, admítese polo Presidente da Corporación (Non sendo necesaria a votación de urxencia da mesma aínda que se levara a cabo na sesión plenaria, resultando en todo caso aprobada).



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

A continuación explica a enmenda á proposta de alcaldía A concelleira Dona María Do Mar Hermida Pico e comenta que a enviou ao Concello pero a última hora da mañá (consta no expediente que a enmenda mandouse ao email dunha funcionaria ás 16:11 horas estando o rexistro e o Concello pechado a esa hora). Explica o contido da mesma relativo aos límites dos salarios no supostos e Compatibilidade como é o caso do Alcalde da Corporación, establecidos na Lei 53/1984, de 26 de decembro, de incompatibilidades do persoal ao servizo das Administracións Públicas, afirmando a continuación que, de acordo con estes límites o salario do mesmo non estaría axustado á Lei. Continua a súa intervención afirmando que a Consellería non sabía que os cuadrantes de traballo como axente Forestal do Alcalde non eran reais e que este mentiu.

O Sr. Alcalde interrompe a intervención da concelleira para chamar ao orde por primeira vez á Concelleira Do BNG Dona María Do Mar Hermida Pico e a advirte que deixe de insultar.

Prosigue a súa exposición a concelleira do BNG dicíndolle ó Alcalde que se modifica o horario do seu traballo na Xunta de Galicia ten que comunicar os cambios ao Pleno e á Consellería segundo a norma aplicable e que, cando se aprobou o acordo plenario non presentou informe algún da Xefatura territorial tan só uns cadrantes sen firma.

Interrompe o Sr. Alcalde para dicir que as quendas as cambian moitas veces internamente entre os compañeiros. Entran, a continuación, Alcalde e concelleira nun debate sobre a necesidade ou non de comunicación das quendas da cordo có establecido na Lei e a veracidade ou non dos cadrantes que presenta o Sr. Alcalde no Concello.

A continuación toma a palabra o concelleiro do Partido Popular, Don Antonio Riveira Requeijo manifestando que non ía votar a favor da proposta da Alcaldía porque non está de acordo coa cantidade do salario do Alcalde e coas irregularidades que o seu parecer se detectaron a posteriori daquel acordo en sesión plenaria de 9 de xullo de 2015, sobre todo porque hai que coñecer os horarios, os cambios dos mesmos e demais no relativo ao traballo como funcionario da Xunta do Sr. Alcalde dacordo coa normativa aplicable. Di, ademais que a enmenda do BNG é drástica e que van a votar a favor.

A continuación sométese a votación á enmenda ao acordo proposto polo Alcalde, resultando aprobada por 6 votos, 2 dos concelleiros do BNG e 4 dos concelleiros do Partido Popular, votando en contra os 4 concelleiros do PSOE.

## 4.- APROBACIÓN PROVISIONAL DA ORDENANZA FISCAL DO IMPOSTO DE ACTIVIDADES ECONÓMICAS

### PROPOSTA DE ALCALDÍA

Vista a necesidade de actualizar a ordenanza fiscal vixente no Concello de Xermade reguladora do IMPOSTO DE ACTIVIDADES ECONÓMICAS, propoño ó Pleno:

**PRIMERO.** Aprobar provisionalmente a ordenanza fiscal do IMPOSTO DE ACTIVIDADES ECONÓMICAS para o Concello de Xermade segundo o texto que se adxunta a esta proposta.

**SEGUNDO.** Dar ao expediente a tramitación e publicidade preceptiva, mediante exposición do mesmo no taboleiro de anuncios deste Concello e no *Boletín Oficial da Provincia*, por prazo de trinta días, dentro dos cales os interesados poderán examinalo e plantexar as reclamacións que estimen oportunas.



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**TERCERO.** Considerar, no suposto de que non se presentasen reclamacións ao expediente, no prazo anteriormente indicado, que o Acordo é definitivo, en base ao artigo 17.3 do Texto Refundido da Lei Reguladora das Facendas Locais aprobado polo Real Decreto Lexislativo 2/2004, de 5 de marzo.

Texto que se adxunta á proposta :

**ORDENANZA FISCAL DO IMPOSTO SOBRE ACTIVIDADES ECONÓMICAS**

**ARTIGO 1. Normativa aplicable**

O Imposto sobre actividades económicas rexerese neste Municipio:

- a) Polas normas reguladoras do mesmo, contidas nos artigos 16 e 78 a 91 do Texto refundido da Lei reguladora das facendas locais aprobado polo Real decreto lexislativo 2/2004, de 5 de marzo,
- b) Polo Real decreto lexislativo 1175/1990, de 28 de setembro, polo que se aproban as tarifas e a Instrución do Imposto sobre actividades económicas.
- c) Polo Real decreto lexislativo 1259/1991, de 2 de agosto, polo que se aproban as tarifas e a Instrución do Imposto sobre actividades económicas correspondentes á actividade gandeira independente.
- d) Pola presente Ordenanza fiscal.

**ARTIGO 2. Natureza e Feito imponible**

O Imposto sobre actividades económicas é un tributo directo de carácter real, cun feito imponible que está constituído polo mero exercicio, dentro do termo municipal, de actividades empresariais, profesionais ou artísticas, tanto se exercen nun local determinado como se non, e se atopen ou non especificadas nas tarifas do Imposto.

Considéranse, aos efectos deste Imposto, actividades empresariais as gandeiras, cando teñan carácter independente, as mineiras, industriais, comerciais e de servizos.

A efectos do previsto no parágrafo anterior, terá consideración de gandería independente a definida como tal no parágrafo segundo do artigo 78.2 do Real decreto lexislativo 2/2004, de 5 de marzo, polo que se aproba o texto refundido da Lei reguladora das facendas locais.

Considérase que unha actividade exerceuse con carácter empresarial, profesional ou artístico cando supón a ordenación por conta propia de medios de produción e de recursos humanos, ou un destes, coa finalidade de intervir na produción ou distribución de bens ou servizos.

O contido das actividades gravadas definirase nas tarifas do Imposto.

O exercicio das actividades gravadas probarase por calquera medio admisible en dereito e, en particular, polos contemplados no artigo 3 do Código de comercio.

**ARTIGO 3. Supostos de non suxeición**

Non constitúe feito imponible neste Imposto o exercicio das seguintes actividades:

1. O alleamento de bens integrados no activo fixo das empresas que figuraran debidamente inventariados como tal inmovilizado con máis de dous anos de antelación á data de transmitirse; e a venda de bens de uso particular e privado do vendedor sempre que os utilizase durante igual período de tempo.
2. A venda dos produtos que se reciben en pago de traballos persoais ou servizos profesionais.
3. A exposición de artigos co fin exclusivo de decoración ou adorno de establecemento. Polo contrario, estará suxeita ao Imposto a exposición de artigos para regalo aos clientes.
4. Cando se trate de venda ao por menor, a realización dun solo acto ou operación illada.



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

### ARTIGO 4. Exencións

1. Están exentos do Imposto:

a) O Estado, as Comunidades Autónomas e as Entidades locais, así como os Organismos Autónomos do Estado e as Entidades de dereito público de análogo carácter das Comunidades Autónomas e das Entidades locais.

b) Os suxeitos pasivos que inicien o exercicio da súa actividade en territorio español, durante os dous primeiros períodos impositivos deste Imposto en que se desenvolva a mesma.

A estes efectos, non se considerará que se produciu o inicio do exercicio dunha actividade cando a mesma se desenvolve anteriormente baixo outra titularidade, circunstancia que se entenderá que concorre, entre outros supostos, nos casos de fusión, escisión ou contribución de ramas de actividade.

c) Os seguintes suxeitos pasivos:

— As persoas físicas.

— Os suxeitos pasivos do Imposto sobre Sociedades, as sociedades civís e as Entidades do artigo 35.4 da Lei 58/2003, de 17 de decembro, xeral tributaria, que teñan un importe neto da cifra de negocios inferior a un millón de euros.

— En canto aos contribuíntes polo Imposto sobre a renda de non residentes, a exención só alcanzará aos que operen en España mediante establecemento permanente, sempre que teñan un importe neto da cifra de negocios inferior a un millón de euros.

A efectos da aplicación da exención prevista neste parágrafo, teranse en conta as seguintes regras:

1.<sup>a</sup> O importe neto da cifra de negocios determinarase de acordo co previsto no artigo 191 do Texto refundido da Lei de sociedades anónimas, aprobado por Real decreto legislativo 1564/1989, de 22 de decembro.

2.<sup>a</sup> O importe neto da cifra de negocios será, no caso dos suxeitos pasivos do Imposto sobre sociedades ou dos contribuíntes polo Imposto sobre a renda de non residentes, o do período impositivo cuxo prazo de presentación de declaracións por ditos tributos finalizase o ano anterior ao do devengo deste Imposto. No caso das sociedades civís e as Entidades a que se refire o artigo 35.4 da Lei 58/2003, de 17 de decembro, xeral tributaria, o importe neto da cifra de negocios será o que corresponda ao penúltimo ano anterior ao de devengo deste Imposto. Se dito período impositivo tivese unha duración inferior ao ano natural, o importe neto da cifra de negocios elevarase ao ano.

3.<sup>a</sup> Para o cálculo do importe da cifra de negocios do suxeito pasivo, terase en conta o conxunto das actividades económicas exercidas polo mesmo.

Con todo, cando a Entidade forme parte dun grupo de sociedades no sentido do artigo 42 do Código de comercio, o importe neto da cifra de negocios referirase ao conxunto de entidades pertencentes a dito grupo.

A efectos do disposto no parágrafo anterior, entenderase que os casos do artigo 42 do Código de comercio son os recollidos na sección primeira do Capítulo I das normas para a formulación das contas anuais consolidadas, aprobadas por Real decreto 1815/1991, de 20 de decembro.

4.<sup>a</sup> No suposto dos contribuíntes polo Imposto sobre a renda de non residentes, atenderase ao importe neto da cifra de negocios imputable ao conxunto dos establecementos permanentes situados en territorio español.

d) As Entidades xestoras da Seguridade Social e as Mutualidades de previsión social reguladas na Lei 30/1995, de 8 de novembro, de Ordenación e Supervisión dos Seguros Privados.



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

e) Os organismos públicos de investigación, os establecementos de ensinanza en todos os seus grados costeados integramente con fondos do Estado, das Comunidades Autónomas ou das Entidades locais, ou por Fundacións declaradas benéficas ou de utilidade pública, e os establecementos de ensinanza en todos os seus grados que, carecendo de ánimo de lucro, estivesen en réxime de concerto educativo, incluso se facilitasen aos seus alumnos libros ou artigos de escritorio ou lles prestasen os servizos de media pensión ou internado, e aínda que por excepción vendan no mesmo establecemento os produtos dos talleres dedicados a dita ensinanza, sempre que o importe de dita venda, sen utilidade para ningún particular ou terceira persoa, destínese, exclusivamente, á adquisición de materias primas ou ao sostemento do establecemento.

f) As Asociacións e Fundacións de diminuídos físicos, psíquicos e sensoriais, sen ánimo de lucro, polas actividades de carácter pedagóxico, científico, asistenciais e de emprego que para a ensinanza, educación, rehabilitación e tutela de minusválidos realicen, aínda que vendan os produtos dos talleres dedicados a ditos fins, sempre que o importe de dita venda, sen utilidade para ningún particular ou terceira persoa, destínese exclusivamente á adquisición de materias primas ou ao sostemento do establecemento.

g) A Cruz vermella española.

h) Os suxeitos pasivos aos que lles sexa de aplicación a exención en virtude de Tratados ou Convenios internacionais.

i) As actividades de escaso rendemento económico respecto das cales está prevista unha tributación por cota cero .

j) Fundacións, Igrexas e Comunidades relixiosas .

2. Os suxeitos pasivos a que se refiren os parágrafos a), d), g) e h) do apartado anterior non estarán obrigados a presentar declaración de alta na matrícula do Imposto.

3. O Ministro de facenda establecerá en qué supostos a aplicación da exención prevista no parágrafo c) do apartado 1 anterior esixirá a presentación dunha comunicación dirixida á Axencia Estatal de Administración Tributaria, na que se faga constar que se cumpren os requisitos establecidos en dito parágrafo para a aplicación da exención. Dita obrigación non se esixirá, en ningún caso, cando se trate de contribuíntes polo Imposto sobre a renda das persoas físicas.

Os suxeitos pasivos que aplicasen a exención prevista no parágrafo b) do apartado 1 anterior presentarán a comunicación, no seu caso, o ano seguinte ao posterior ao de inicio da súa actividade.

A estes efectos, o Ministro de facenda establecerá o contido, o prazo e a forma de presentación de dita comunicación, así como os supostos en que haberá de presentarse por vía telemática.

En canto ás variacións que poidan afectar á exención prevista no parágrafo c) do apartado 1 anterior, estarase ao previsto no parágrafo terceiro do apartado 2 do artigo 90 do Real decreto lexislativo 2/2004, de 5 de marzo, polo que se aproba o Texto refundido da Lei reguladora das facendas locais.

4. As exencións previstas nos parágrafos e) e f) do apartado 1 deste artigo terán carácter rogado e concederanse, cando proceda, a instancia de parte.

A solicitude das exencións a que se refire o parágrafo anterior débese presentar xunto coa declaración de alta no Imposto na Entidade que leve a cabo a xestión censal, e deberá estar acompañada da documentación acreditativa.

O Acordo polo cal accédese á petición fixará o exercicio desde o cal o beneficio fiscal enténdese concedido.

### **ARTIGO 5. Suxeitos pasivos**

Son suxeitos pasivos de este Imposto as persoas físicas ou xurídicas e as Entidades a que se refire o artigo 35.4 da Lei 58/2003, de 17 de decembro, xeral tributaria, sempre que realicen no Municipio calquera das actividades que orixinan o feito imponible.

### **ARTIGO 6. Cota tributaria**



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

A cota tributaria será o resultado de aplicar á cota de tarifa do Imposto a que se refire o artigo seguinte, o coeficiente de ponderación determinado en función do importe neto da cifra de negocios do suxeito pasivo regulado no artigo 8 e, no seu caso, o coeficiente que pondere a situación física do local onde se realiza a actividade regulado no artigo 9, ambos da presente Ordenanza fiscal.

### ARTIGO 7. Cota de tarifa

A cota de tarifa será a resultante de aplicar as Tarifas e Instrución do Imposto aprobados polo Real decreto lexislativo 1175/1990, de 28 de setembro, polo que se aproban as tarifas e a instrución do Imposto sobre actividades económicas, e polo Real decreto lexislativo 1259/1991, de 2 de agosto, polo que se aproban as tarifas e a Instrución o Imposto sobre actividades económicas correspondentes á actividade gandeira independente.

### ARTIGO 8. Coeficiente de Ponderación

De acordo co que prevé o artigo 86 do Texto refundido da Lei Reguladora das facendas locais aprobado polo Real decreto lexislativo 2/2004, de 5 de marzo, polo, sobre as cotas municipais de tarifa aplicarase, en todo caso, un coeficiente de ponderación, determinado en función do importe neto da cifra de negocios do suxeito pasivo, de acordo co seguinte cadro:

Importe neto da cifra de negocios (euros)	Coeficiente
Dende 1.000.000,00 ata 5.000.000,00	1,29
Dende 5.000.000,01 ata 10.000.000,00	1,30
Dende 10.000.000,01 ata 50.000.000,00	1,32
Dende 50.000.000,01 ata 100.000.000,00	1,33
Máis de 100.000.000,00	1,35
Sen cifra de negocio	1,31

Aos efectos da aplicación do coeficiente a que se refire este artigo, o importe neto da cifra de negocios do suxeito pasivo será o correspondente ao conxunto de actividades económicas exercidas polo mesmo, e determinarase de acordo co previsto na letra c) do apartado 1 do artigo 4 da presente Ordenanza fiscal.

### ARTIGO 9. Coeficiente de situación

Sobre as cotas municipais de tarifa incrementadas por aplicación do coeficiente de ponderación regulado no artigo 8 da presente Ordenanza fiscal, aplicarase o índice que corresponda dos sinalados no cadro establecido no apartado seguinte, en función da categoría da rúa do Municipio na que estea situado o local no que se exerza a actividade respectiva.

Para os efectos previstos da aplicación do coeficiente de situación, as vías públicas clasifícanse en 2 categorías fiscais. Sobre as cotas incrementadas por aplicación do coeficiente de ponderación, e segundo a categoría fiscal da vía pública onde radique a actividade económica, establécese o seguinte coeficiente de situación:

Categoría 1ª : Coeficiente de situación do 1,20  
- Polígono Industrial de Xermade.

Categoría 2ª : Coeficiente de situación do 1,10  
□ Resto do municipio.

### ARTIGO 10. Bonificacións

Sobre a cota tributaria do Imposto aplicaranse, en todo caso, as seguintes bonificacións:

a) As Cooperativas, así como as Unións, Federacións e Confederacións das mesmas e as Sociedades agrarias de transformación, terán a bonificación prevista na Lei 20/1990, de 19 de decembro, sobre réxime fiscal das cooperativas.

b) Unha bonificación de ata o 50% da cota correspondente para os que inicien o exercicio de calquera actividade empresarial e tributen por cota municipal, durante os cinco anos de actividade seguintes á conclusión do segundo período impositivo de desenvolvemento da

**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

mesma.

A aplicación da bonificación requirirá que a actividade económica non se exercese anteriormente baixo outra titularidade. Entenderase que a actividade exercese anteriormente baixo outra titularidade, entre outros, nos supostos de fusión, escisión ou contribución de ramas de actividade.

O período de aplicación da bonificación caducará transcorridos cinco anos desde a finalización da exención prevista no parágrafo b) do apartado 1 do artigo 4 desta Ordenanza fiscal.

A bonificación aplicarase á cota tributaria, integrada pola cota de tarifa ponderada polo coeficiente establecido no artigo 8 e modificada, no seu caso, polo coeficiente establecido no artigo 9 desta Ordenanza. No suposto de que resultase aplicable a bonificación a que alude o parágrafo a) do apartado 1 anterior, a bonificación prevista nesta letra aplicarase á cota resultante de aplicar a bonificación do citado parágrafo a) do apartado 1.

c) Os suxeitos pasivos que tributen por cota municipal e que teñan incrementado o promedio da súa plantilla de traballadores con contrato indefinido durante o período impositivo inmediato anterior ao da aplicación da bonificación, en relación co período anterior a aquel, gozarán da seguinte bonificación sobre a cota tributaria:

<b>Incremento porcentual do n.º de traballadores con contrato indefinido (T)</b>	<b>Bonificación</b>
Entre o 5,0% e o 10,0%	15%
Máis do 10,0% e ata o 20,0%	20%
Maíor do 20% e inferior ao 30%	30%
Maíor do 30% e inferior ao 50%	40%
Maíor do 50%	50%

A documentación acreditativa será a seguinte:

- Certificado/s da Tesourería Xeral da Seguridade Social da vida laboral da empresa, acreditativo dos extremos especificados neste artigo e apartado.
- Fotocopia dos contratos laborais dos traballadores contratados no período impositivo inmediato anterior ao de aplicación da bonificación.

O incremento promedio calcularase da seguinte forma:

$$T = (T_f - T_i) * 100 / T_i$$

T = incremento do n.º de traballadores con contrato indefinido en tanto por cento

T<sub>f</sub> = número de traballadores con contrato indefinido en el período final comparado.

T<sub>i</sub> = número de traballadores con contrato indefinido en el período inicial comparado.

A bonificación terá duración exclusivamente anual polo que debe ser solicitada para cada exercicio en que se pretenda a súa aplicación e sempre antes do 1 de abril. A non presentación da solicitude no prazo establecido implicará a perda da bonificación, sen prexuízo de poder solicitarse novamente para períodos impositivos seguintes.

A bonificación aplicarase á cota resultante de aplicar, no seu caso, as bonificacións a que se refiren o artigo 10 desta ordenanza.

d) Os suxeitos pasivos que instalen sistemas para o aproveitamento de enerxías renovables no local onde se desenrole a actividade económica poderán beneficiarse dunha bonificación sobre a base do custo efectivo da dita instalación.

Ao obxecto da aplicación desta bonificación consideraranse como instalacións de aproveitamento de enerxías renovables as contempladas e definidas como tales no Plan de fomento das enerxías renovables.

A contía desta bonificación será do 50% do custe real da instalación do sistema de



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

aproveitamento, podéndose repartir ao longo dos cinco anos seguintes aos da súa instalación. Nos casos de inicio de actividade o período sinalado neste parágrafo poderá estenderse aos cinco exercicios posteriores aos de exención do imposto.

A bonificación deberá solicitarse antes do 31 de marzo do exercicio no que deba xurdir efecto.

Xunto coa solicitude, o suxeito pasivo deberá achegar a correspondente factura detallada da instalación, expedida a nome do titular da actividade e un certificado asinado por técnico competente que acredite as características da instalación.

A bonificación aplicarase á cota resultante de aplicar, se é o caso, as bonificacións a que se refiren o apartado 1 do artigo 88 do Real decreto legislativo 2/2004 e os parágrafos a), b) e c) anteriores.

e) Unha bonificación de ata o 50% da cota correspondente para os suxeitos pasivos que tributen por cota municipal e teñan unha renda ou rendemento neto da actividade económica negativos ou inferiores á cantidade que determine a Ordenanza fiscal, a cal poderá fixar diferentes porcentaxes de bonificación e límites en función de cal sexa a división, agrupación ou grupo das tarifas do Imposto en que se clasifique a actividade económica realizada.

A bonificación aplicarase á cota resultante de aplicar, no seu caso, as bonificacións a que se refiren o apartado 1 deste artigo e os parágrafos anteriores deste apartado.

d) Unha bonificación de ata o 95 por cento da cota correspondente para os suxeitos pasivos que tributen por cota municipal e que desenvolvan actividades económicas que sexan declaradas de especial interese ou utilidade municipal por concorrer circunstancias sociais, culturais, histórico artísticas ou de fomento do emprego que xustifiquen tal declaración, conforme á seguinte escala:

- Actividades económicas cunha inversión de implantación superior aos 5.000.000 de € e creación de máis de 25 postos de traballo definitivos para residentes no Concello de Xermade, o 85 por cento.
- Actividades económicas cunha inversión de implantación entre 600.001 € e 5.000.000 de € e creación de máis de 15 postos de traballo definitivos para residentes no Concello de Xermade, o 45 por cento.
- Actividades económicas cunha inversión de implantación entre 100.001 € e 600.000 € e creación de máis de 5 postos de traballo definitivos para residentes no Concello de Xermade, o 25 por cento.
- Actividades en xeral que sexan declaradas de especial interese ou utilidade municipal por concorrer circunstancias sociais, culturais, histórico artísticas e de fomento do emprego que xustifiquen tal declaración non incluídas nos apartados anteriores, o 15 por cento.

A declaración a que se refire o apartado anterior corresponde ao Pleno da Corporación e acordarase por voto favorable da maioría simple dos seus membros, logo da solicitude do suxeito pasivo, xunto coa documentación acreditativa de cumprir os requisitos esixidos e a documentación complementaria que no seu caso lle sexa esixida.

A bonificación aplicarase á cota resultante de aplicar, se é o caso, as bonificacións a que se refiren o apartado 1 do artigo 88 do Real decreto legislativo 2/2004 e os parágrafos anteriores deste apartado.

### **ARTIGO 11. Reducións na cota**

1. Sobre a cota tributaria, bonificada no seu caso pola aplicación do disposto no artigo anterior, aplicaranse as reducións seguintes de acordo co previsto nas notas comúns 1.<sup>a</sup> e 2.<sup>a</sup> á división 6.<sup>a</sup> da sección primeira do Real decreto 1175/1990, de 28 de decembro, polo que se aproban as tarifas e a Instrución do Imposto sobre actividades económicas, creada pola Lei 41/1994:

a) Unha redución a favor dos suxeitos pasivos que exerzan actividades económicas en locais afectados por obras na vía pública. Esta redución, fixarase en función da duración de ditas obras.

Unha vez concedida a redución, o suxeito pasivo poderá solicitar a devolución de ingresos indebidos polo importe da mesma á Entidade que exerza a función recadatoria no Municipio de



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

que se trate.

b) Cando nos locais realícense obras maiores para as que se requira a obtención da correspondente licenza urbanística, e teñan unha duración superior a tres meses, sempre que por razón das mesmas permanezan pechados os locais, a cota correspondente reducirase en proporción ao número de días en que permaneza pechado o local.

A redución a que se refire o parágrafo anterior deberá ser solicitada polo suxeito pasivo ao Concello respectivo e, no seu caso, unha vez concedida, aquel deberá solicitar a correspondente devolución de ingresos indebidos polo importe das mesmas.

Non se aplicarán outras reducións da cota que as reguladas no apartado anterior e as previstas nas tarifas do Imposto.

### **ARTIGO 12. Período impositivo e devengo**

O período impositivo coincide co ano natural, excepto cando se trate de declaracións de alta, neste caso abarcará desde a data de comezo da actividade ata o final do ano natural.

O Imposto devéngase o primeiro día do período impositivo e as cotas serán irreducibles, salvo cando, nos casos de declaración de alta, o día de comezo da actividade non coincida co ano natural, en cuxo suposto as cotas calcularanse proporcionalmente ao número de trimestres naturais que restan para finalizar o ano, incluído o do comezo do exercicio da actividade.

Así mesmo, e no caso de baixa por cese no exercicio da actividade, as cotas serán prorrateables por trimestres naturais, excluído aquel no que se produza dito cese. A tal fin, os suxeitos pasivos poderán solicitar a devolución da parte da cota correspondente aos trimestres naturais nos que non se exercese a actividade.

Tratándose de espectáculos, cando as cotas estean establecidas por actuacións illadas, o devengo prodúcese pola realización de cada unha delas, debéndose presentar as correspondentes declaracións na forma que se estableza regulamentariamente.

### **ARTIGO 13. Xestión**

A xestión das cotas municipais do Imposto levarase a cabo polo órgano da Administración que resulte competente, ben en virtude de competencia propia, ben en virtude de Convenio ou Acordo de delegación de competencias; todo elo conforme ao preceptuado nos artigos 7, 8 e 91 do Texto refundido da Lei reguladora das facendas locais aprobado polo Real decreto lexislativo 2/2004, de 5 de marzo, así como nas demais disposicións que resulten de aplicación.

A xestión, liquidación, recadación e inspección das cotas municipais do Imposto levarase a cabo conforme ao preceptuado nos artigos 2.2, 10, 11, 12, 13, 90 e 91 do Texto refundido da Lei reguladora das facendas locais aprobado polo Real decreto lexislativo 2/2004, de 5 de marzo, así como as demais disposicións que resulten de aplicación.

### **ARTIGO 14. Pago e ingreso do Imposto**

1. O prazo de ingreso das débedas de cobro por recibo notificadas colectivamente determinarase cada ano e anunciarase publicamente no Boletín Oficial da Provincia e no taboleiro de anuncios do Concello.

As liquidacións de ingreso directo satisfaranse nos prazos fixados polo artigo 62 da Lei 58/2003, de 17 de decembro, xeral tributaria, que son:

- a) Para as notificadas dentro da primeira quincena do mes, ata o día 20 do mes posterior.
- b) Para as notificadas dentro da segunda quincena do mes, ata o día 5 do segundo mes posterior.

O disposto neste apartado enténdese sen prexuízo do réxime de autoliquidación do Imposto previsto no artigo seguinte.

2. Finalizado o prazo de pago voluntario sen que a débeda satisfixérase, iniciarase o período executivo de recadación, o que comporta o devengo do recargo do 20% do importe da débeda non ingresada, así como o dos intereses de demora correspondentes.

Dito recargo será do 5% cando a débeda ingrésese antes de que fose notificada ao debedor a providencia de prema, e do 10% cando se satisfaga a totalidade da débeda e o propio recargo antes da finalización do prazo previsto no apartado 5 do artigo 62 da Lei 58/2003, de 17 de decembro, xeral tributaria.



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**ARTIGO 15. Exacción do Imposto en réxime de autoliquidación**

A tenor do artigo 90.4 do Real decreto legislativo 2/2004, de 5 de marzo, polo que se aproba o texto refundido da Lei reguladora das facendas locais, «este Imposto poderá esixirse en réxime de autoliquidación, nos termos que regulamentariamente establézanse».

**DISPOSICIÓN ADICIONAL ÚNICA. Modificacións do Imposto**

As modificacións que se introduzan na regulación do Imposto, polas leis de Orzamentos xerais do estado ou por calquera outras leis ou disposicións, e que resulten de aplicación directa, producirán, no seu caso, a correspondente modificación tácita da presente Ordenanza fiscal.

**DISPOSICIÓN FINAL ÚNICA. Aprobación, entrada en Vigor e modificación da Ordenanza fiscal**

A presente Ordenanza fiscal, aprobada polo Pleno deste Concello en sesión celebrada o \_\_\_ de \_\_\_\_\_ de 20\_\_\_, será de aplicación a partir do 1 de xaneiro seguinte, e continuará vixente en tanto non se acorde a súa modificación ou derrogación.

En caso de modificación parcial desta Ordenanza fiscal, os artigos non modificados continuarán vixentes”

A continuación toma a palabra o concelleiro do PSOE D.Carlos Alberto Guerra González para comentar o contido da proposta e facer referencia ao feito de que se trata de unha ordenanza nova, que antes non había.

Toma palabra o portavoz do PP D.Antonio Riveira Requeijo para preguntar polo contido do artigo 9 relativo aos polígonos, xa que de acordo coa súa opinión non parece adecuado o índice de 1.20 %, debendo reducirse para que houbera máis empresas no polígono. Tamén comenta que votan de menos algunha bonificación máis das que se reflexan no texto proposto, remata dicindo que dan por feito que estea adaptada á legalidade vixente.

Intervén a continuación o portavoz do BNG Don Óscar González Pardo agradecendo en primeiro lugar ao concelleiro do PSOE, D.Carlos Alberto Guerra González o traballo desinteresado en relación co tempo que empregou na preparación desta ordenanza. Continúa comentando que se eliminaron o punto 1 e 6 de non suxeición do texto inicial que presentaran aos concelleiros nas reunión previas informativas e pregunta se é por motivos legais. Preguntando para rematar que porqué non se mantiveron as bonificacións por sectores.

O concelleiro do PSOE aludido contesta que se eliminaron algún puntos de non suxeición por motivos legais e en relación coas bonificación que non se incluíron porque non se chegou a un acordo.

Sometido o asunto a votación, o Pleno do Concello aproba o mencionado acordo, por cinco votos a favor, dos cinco concelleiros presentes do grupo socialista, e seis abstencións, os catro do grupo popular e os dous concelleiros do BNG.

**QUINTO: APROBACIÓN PROVISIONAL DA ORDENANZA FISCAL REGULADORA DE VEHICULOS DE TRACCIÓN MECÁNICA**

**PROPOSTA DE ALCALDÍA**

Vista a necesidade de actualizar a ordenanza fiscal vixente no Concello de Xermade reguladora do IMPOSTO DE VEHICULOS DE TRACCIÓN MECÁNICA , proponho ó Pleno:



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**PRIMERO.** Aprobar provisionalmente a ordenanza fiscal reguladora de VEHICULOS DE TRACCION MECANICA para o Concello de Xermade según o texto que se adxunta a esta proposta .

**SEGUNDO.** Dar ao expediente a tramitación e publicidade preceptiva, mediante exposición do mesmo no taboleiro de anuncios deste Concello e no *Boletín Oficial da Provincia*, por prazo de trinta días, dentro dos cales os interesados poderán examinalo e plantexar as reclamacións que estimen oportunas.

**TERCERO.** Considerar, no suposto de que non se presentasen reclamacións ao expediente, no prazo anteriormente indicado, que o Acordo é definitivo, en base ao artigo 17.3 do Texto Refundido da Lei Reguladora das Facendas Locais aprobado polo Real Decreto Lexislativo 2/2004, de 5 de marzo.

Texto que se adxunta á proposta :

**ORDENANZA FISCAL REGULADORA DO IMPOSTO SOBRE VEHÍCULOS DE TRACCIÓN MECÁNICA**

**Artigo 1.º . Fundamento e natureza.**

De conformidade co previsto no artigo 59, en relación cos seus artigos 92 a 99, do texto refundido da Lei Reguladora de Facendas Locais, aprobado por RD Lexislativo 2/2004, de 5 de marzo, o imposto sobre vehículos de tracción mecánica, é un tributo directo, de carácter obrigatorio.

**Artigo 2.º . Normativa aplicable**

O imposto sobre vehículos de tracción mecánica, rexerese neste Concello:

a) Polas normas reguladoras deste, contidas no texto refundido da Lei Reguladora de Facendas Locais, aprobado por RD Lexislativo 2/2004, de 5 de marzo, e polas demais disposicións legais e regulamentos que complementen e desenvolvan a dita lei

b) Pola presente ordenanza fiscal.

**Artigo 3.º . Feito imponible**

1.-O imposto sobre vehículos de tracción mecánica é un imposto directo que grava a titularidade dos vehículos desta natureza, aptos para circular polas vías públicas, calquera que sexan a súa clase e categoría.

2.-Considérase vehículo apto para a circulación o que fose matriculado nos rexistros públicos correspondentes e mentres non tivera causado baixa nos mesmos. Para os efectos deste imposto tamén se considerarán aptos os vehículos provistos de permisos temporais e matrícula turística.

3.-A xestión, liquidación, recadación, inspección, así como a revisión dos actos ditados en vía de xestión tributaria corresponderá a este Concello cando o enderezo que figure no permiso de circulación do vehículo radique no termo municipal.



## **CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

### **Artigo 4º.- Supostos de non suxeición**

Non estarán suxeitos a este imposto:

- a) Non están suxeitos a este imposto os vehículos que, sendo dados de baixa nos rexistros por antigüidade do seu modelo, poden ser autorizados para circular excepcionalmente con ocasión de exhibicións, certames ou carreiras limitadas ós desta natureza.
- b) os remolques e semirremolques arrastrados por vehículos de tracción mecánica de carga útil non superior a 750 quilogramos.

### **Artigo 5º.-Suxeitos pasivos**

Son suxeitos pasivos deste imposto, as persoas físicas ou xurídicas e as Entidades a que se refire o artigo 35.4 da Lei 58/2003, de 17 de decembro, Xeral Tributaria, a nome das cales conste o vehículo no permiso de circulación.

### **Artigo 6º.-Responsables**

Todo o relativo a os responsables deste tributo, determinarase de conformidade a o previsto no Texto Refundido da Lei Reguladora das Facendas Locais; na Lei Xeral Tributaria, artigos 41 a 43; no Regulamento Xeral de Recadación e nas demais Leis do Estado reguladoras da materia, así como nas disposicións ditadas para o seu desenrolo.

### **Artigo 7º.-Exencións**

1. Estarán exentos do imposto:

- a) Os vehículos oficiais do Estado, comunidades autónomas e entidades locais adscritos á defensa nacional ou á seguridade cidadá.
- b) Os vehículos de representación diplomáticas, oficinas consulares, axentes diplomáticos e funcionarios consulares de carreira acreditados en España, que sexan súbditos dos respectivos países, externamente identificados e a condición de reciprocidade na súa extensión e grao.  
  
Así mesmo, os vehículos dos organismos internacionais con sede ou oficina en España e dos seus funcionarios ou membros con estatuto diplomático:
- c) Os vehículos respecto dos cales así se derive do disposto en tratados ou convenios internacionais.
- d) As ambulancias e demais vehículos directamente destinados á asistencia sanitaria, ou ó traslado de feridos ou enfermos.
- e) Os vehículos para persoas de mobilidade reducida que se refire a letra A do anexo II do Regulamento xeral de vehículos, aprobado polo Real decreto 2822/1998, do 23 de decembro.



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

Así mesmo, están exentos os vehículos matriculados a nome de minusválidos para o seu uso exclusivo. Esta exención aplicarase en tanto se manteñan as devanditas circunstancias, tanto aos vehículos conducidos por persoas con discapacidade como aos destinados ao seu transporte.

As exencións previstas nos dous parágrafos anteriores non resultarán aplicables ós suxeitos pasivos beneficiarios destas por máis dun vehículo simultaneamente.

Para os efectos do disposto neste parágrafo, consideranse persoas con minusvalía quen teña esa condición legal en grao igual ou superior ó 33 por cento.

f) Os autobuses, microbuses e demais vehículos destinados ou adscritos ó servizo de transporte público urbano, sempre que teñan unha capacidade que exceda de nove prazas, incluída a do condutor.

g) Os tractores, remolques, semirremolques e maquinaria provistos da libreta de inspección agrícola.

2. Para poder gozar das exención a que se refiren as letras e) e g) do apartado 1 deste artigo, os interesados deberán instar súa concesión, con anterioridade ao devengo do imposto, indicando as características do vehículo, a súa matrícula, a causa do beneficio e acreditar mediante a presentación da documentación na que consten a realidade do alegado.

A notificación na que se resolva a concesión da exención servirá de documento acreditativo da súa existencia. Esta solicitude deberá renovarse cada ano, presentando os documentos necesarios. En caso de presentar a solicitude con posterioridade ao devengo do imposto, a concesión da exención terá efectos desde o período impositivo seguinte ao da solicitude.

Xunto coa petición de exención regulada no parágrafo e) do apartado 1 deste artigo os interesados deberán axuntala seguinte documentación:

### Vehículos conducidos por persoas con discapacidade:

- 1.-Fotocopia do certificado do grao de minusvalía expedido pola Consellería de Asuntos Sociais no que conste o grao e a clase de discapacidade padecida.
- 2.-Fotocopia do permiso de condución (anverso e reverso). Exhibición do orixinal no momento da presentación.
- 3.-Fotocopia do permiso de circulación a nome do minusválido. Exhibición do orixinal no momento da presentación.
- 4.-Fotocopia da póliza de seguro do vehículo no que figure o condutor habitual do mesmo. Exhibición do orixinal no momento da presentación.
- 5.-Fotocopia DNI.
- 6.-Fotocopia da ficha técnica do vehículo.
- 7.-Declaración do uso exclusivo do vehículo para o transporte do beneficiario da exención.



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

Queda condicionada esta concesión, á liquidación de débedas pendentes do Concello por tódolos conceptos.

### Vehículos destinados ó transporte de minusválidos:

- 1.-Fotocopia do certificado do grao de minusvalía expedido pola Consellería de Asuntos Sociais no que conste, o grao e a clase de discapacidade padecida.
- 2.-Fotocopia do permiso de circulación a nome do minusválido. Exhibición do orixinal no momento da presentación.
- 3.-Fotocopia da póliza de seguro do vehículo. Exhibición do orixinal no momento da presentación.
- 4.-Fotocopia DNI do minusválido e do condutor habitual do vehículo.
- 5.-Fotocopia da ficha técnica do vehículo.
- 6.-Declaración do uso exclusivo do vehículo para o transporte do beneficiario da exención.

Queda condicionada esta concesión, á liquidación de débedas pendentes do Concello por tódolos conceptos.

As exencións que no seu caso se concedan en calquera dos dous supostos anteriores, non serán aplicables ós suxeitos pasivos beneficiarios das mesmas por mais dun vehículo simultaneamente.

### **Artigo 8º .-Cota tributaria**

1.- O imposto esixirase de acordo co cadro de tarifas establecido no artigo 95.1 do texto refundido da Lei Reguladora de Facendas Locais, aprobado por RD Lexislativo 2/2004, de 5 de marzo, que se incrementará, dentro dos límites permitidos polo artigo 95.4 da referida Lei, pola aplicación sobre o mesmo dun coeficiente do 1,20 polo que as cotas a satisfacer serán as seguintes :

#### A) Turismos:

- De menos de 8 cabalos fiscais: 15,15 euros.
- De 8 ata 11.99 cabalos fiscais: 40,89 euros.
- De 12 ata 15.99 cabalos fiscais: 86,33 euros.
- De 16 ata 19.99 cabalos fiscais: 107,53 euros.
- De 20 cabalos fiscais en diante: 134,40 euros.

#### B) Autobuses:

- De menos de 21 prazas: 99,96 euros.
- De 21 a 50 prazas: 142,36 euros.



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

De máis de 50 prazas: 177,95 euros.

**C) Camións:**

De menos de 1.000 kg de carga útil: 50,74 euros.

De 1.000 a 2.999 kg de carga útil: 99,96 euros.

De máis de 2.999 a 9.999 kg de carga útil: 142,37 euros.

De máis de 9.999 kg de carga útil: 177,96 euros.

**D) Tractores:**

De menos de 16 cabalos fiscais: 21,20 euros.

De 16 a 25 cabalos fiscais: 33,32 euros.

De máis de 25 cabalos fiscais: 99,96 euros.

**E) Remolques e semirremolques arrastrados por vehículos de tracción mecánica:**

De menos de 1.000 kg e máis de 750 kg de carga útil: 21,20 euros.

De 1.000 a 2.999 kg de carga útil: 33,32 euros.

De máis de 2.999 kg de carga útil: 99,96 euros.

**F) Outros vehículos:**

Ciclomotores: 5,30 euros.

Motocicletas ata 125 c.c.: 5,30 euros.

Motocicletas de máis de 125 c.c. ata 250 c.c.: 9,08 euros.

Motocicletas de máis de 250 c.c. ata 500 c.c.: 18,17 euros.

Motocicletas de máis de 500 c.c. ata 1.000 c.c.: 36,34 euros.

Motocicletas de máis de 1.000 c.c.: 72,70 euros.

2.-Para os efectos de facilita-la aplicación das tarifas, deberanse ter en conta a seguinte normativa:

A) en canto a clasificación dos vehículos, o anexo II do Regulamento Xeral de Vehículos, aprobado polo Real Decreto 2822/1998, de 23 de decembro, que recolle nas súas letras "A", "B" e "C", as "Definicións", "Clasificación por criterios de Construción" e "Clasificación por criterios de utilización".

B) En canto a determinación da potencia fiscal, mediante as formulas recollidas no anexo V do referido Regulamento Xeral De Vehículos.

3.-No caso de que as Leis de Presupostos do Estado modificaran o cadro de tarifas recollido no artigo 95.1 do texto refundido da Lei Reguladora de Facendas Locais, aprobado por RD



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

Lexislativo 2/2004, de 5 de marzo, serán de aplicación as novas tarifas fixadas nas referidas Leis de Presupostos estatais.

### **Artigo 9º .-Bonificacións**

1.-Terán unha bonificación do 50% na cota do imposto os vehículos eléctricos, híbridos, de biodiésel ou movidos por hidróxeno e durante cinco anos naturais contados desde a data de primeira matriculación do vehículo.

Os interesados deberán presentar a solicitude de bonificación con anterioridade a data do devengo do Imposto. En caso contrario, a concesión da bonificación terá efectos desde o período impositivo seguinte ao da solicitude.

Os interesados deberán aportar a ficha técnica do vehículo que acredite a súa inclusión nalgunha das categorías previstas neste apartado.

2.-Gozarán dunha bonificación do 100% na cota os vehículos históricos, ou aqueles que teñan unha antigüidade mínima de vinte e cinco anos contados a partir da data da súa fabricación, tomándose como tal, si esta non se coñecera, a da súa primeira matriculación o, no seu defecto, a data na que o correspondente tipo o variante deixouse de fabricar.

Para poder gozar da bonificación, os interesados deberán instar a súa concesión indicando as características do vehículo, a súa matrícula e a antigüidade. Para estes efectos deberán acompañar á solicitude de bonificación os documentos que acrediten o cumprimento dos requisitos para gozar da mesma, ben por medio de copia compulsada da ficha técnica, o permiso de circulación do vehículo ou o certificado do fabricante ou de Industria respecto da data na que deixou de fabricarse o modelo en cuestión. No caso de vehículos históricos acreditarase aportando a catalogación como tal polo órgano competente da comunidade Autónoma.

O petionario deberá xustificar, así mesmo, estar ao corrente no pago do imposto mediante a exhibición dos recibos dos catro últimos exercicios ou certificado equivalente.

Os interesados deberán presentar a solicitude antes da data do devengo do imposto. En caso contrario a exención aplicarase desde o exercicio seguinte ao da solicitude. Declarada a bonificación pola Administración tributaria local, expedirase un documento que acredite a súa concesión.

### **Artigo 10º .-Período impositivo e devengo**

1.- O período impositivo coincide có ano natural, salvo no caso de primeira adquisición dos vehículos. Neste caso o período impositivo comezará o día no se produza a devandita adquisición.

2.-O imposto devéngase o primeiro día do período impositivo.

3.-O importe da cota do imposto prorratarase por trimestres naturais nos casos de primeira adquisición ou baixa definitiva do vehículo. Tamén procederá o prorroto da cota nos mesmos termos nos supostos de baixa temporal por substracción ou roubo do vehículo, todo isto desde o momento no que se produza dita baixa temporal no Rexistro público correspondente.



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

### **Artigo 11º .- Xestión do imposto**

1.-Nos supostos de adquisición e primeira matriculación dos vehículos o cando estes se reformen, de xeito que altere a súa clasificación aos efectos do presente Imposto, os suxeitos pasivos ou os seus representantes presentarán ante a Administración municipal ou ante os servizos de xestión tributaria da Excm. Deputación Provincial de A Coruña, e con carácter previo a súa matriculación na Xefatura Provincial de Tráfico, no prazo de trinta días, que comezará a contar desde a data de adquisición ou reforma, autoliquidación do imposto.

2.-Nos supostos de vehículos xa matriculados ou declarados aptos para circular, o Imposto xestiónase a partir do Padrón anual do mesmo.

As modificacións do padrón fundamentaranse nos datos do Rexistro de Tráfico e nas Comunicacións da Xefatura de Tráfico relativas a altas, baixas, transferencias, reformas dos vehículos, sempre que se altere a súa clasificación a efectos deste Imposto, e cambios de enderezo.

O padrón do Imposto expoñerase ao público por un prazo dun mes para que os interesados poidan examinalo e, no seu caso, formulalas reclamacións oportunas. A exposición ao público do Padrón anunciarase no Boletín Oficial da Provincia e producirá os efectos de notificación da liquidación a cada un dos suxeitos pasivos.

O prazo de ingreso das débedas de cobro por recibo notificadas colectivamente determinarase cada ano e anunciarase publicamente no Boletín Oficial de la Provincia e no taboleiro de anuncios do Concello.

Finalizado o prazo de pago voluntario sen que la débeda fora satisfeita, iniciarse o período executivo de recadación, o que comportará o devengo do recargo do 20% do importe da débeda non ingresada, así como o dos xuros de demora correspondentes. O devandito recargo será do 5% cando a débeda se ingrese antes de que fora notificada a providencia de constrinximento e do 10% cando se ingrese a totalidade da débeda non ingresada en período voluntario e o propio recargo antes da finalización do prazo previsto no artigo 62.5 da Lei 58/2003, de 17 de decembro, Xeral Tributaria.

3.-Sen embargo, unha vez abonada a cota do Imposto, se algún contribuínte estimase que ten dereito á devolución poderá solicitala dentro do prazo determinado ao efecto e por algunha das causas previstas na Lexislación vixente.

### **Artigo 12º . Xustificación do Imposto**

1.-O pago do imposto acreditarase mediante o impreso de autoliquidación ou o recibo, debidamente validado pola Entidade recadadora.

2.-Quenes soliciten ante a xefatura Provincial de Tráfico a matriculación ou a certificación de aptitude para circular un vehículo, deberán acreditar previamente o pago do imposto.

3.-Os titulares dos vehículos, cando comuniquen á Xefatura Provincial de Tráfico a reforma dos mesmos, sempre que altere a súa clasificación a efectos deste imposto, así como tamén nos casos de transferencia, de cambio de enderezo que conste no permiso de circulación do



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

vehículo, o de baixa de ditos vehículos, deberán acreditar previamente ante a referida Xefatura Provincial o pago do último recibo presentado ao cobro do imposto, sen prexuízo de que sexa esixible, por vía de xestión e inspección, o pago de tódalas débedas por dito concepto, devengadas, liquidadas, presentadas ao cobro e non prescritas. Exceptúase da referida obrigación de acreditación o suposto das baixas definitivas de vehículos con quince ou mais anos de antigüidade.

4.-As Xefaturas Provinciais de Tráfico non tramitarán os expedientes se non se acredita previamente o pago do imposto, nos termos establecidos nos apartados anteriores.

### **Disposición adicional única**

As modificacións producidas pola Lei de Presupostos Xerais do Estado o calquera outra norma de rango legal que afecten a calquera elemento do presente imposto, serán de aplicación automática dentro do ámbito desta Ordenanza.

### **Disposición Final**

A presente ordenanza fiscal, da que a súa modificación foi aprobada polo Pleno do Concello de Xermade en sesión celebrada o día XXX de XXX de 2016, e publicado o seu texto integro no Boletín Oficial da Provincia do día ... de ... de 2016, comezará a aplicarse a partir do día 1 de xaneiro de 2017, mantendo a súa vixencia ata a súa modificación ou derogación expresa.

Toma la palabra el concelleiro del Psoe Don Carlos Alberto Guerra González para comentar o contido do texto e que se valoraron as opción que propuxo o BNG pero que non se atoparon bases legais para incluír esas novidades.

A continuación intervén o portavoz Do Grupo Popular Don Antonio Riveira Requeijo para comentar que van a absterse na votación deste punto e que quizáis sería un momento bo para adaptar a ordenanza aos concellos limítrofes á baixa xa que está igual que antes, có coeficiente de 1,20 %.

Intervén despois o portavoz do Grupo do BNG, Don Óscar González Pardo para comentar que o seu grupo segue insistindo en eliminar as exencións de vehículos históricos xa que se supón que o que ten un vehículo desas características ten poder adquisitivo e que si consideran fundamental que se establecerán exencións para os parados de longa duración, persoas en exclusión social.. etc.

Sometido o asunto a votación, o Pleno do Concello aproba o mencionado acordo, por cinco votos a favor, dos cinco concelleiros presentes do grupo socialista, e seis abstencións, os catro do grupo popular e os dous concelleiros do BNG.

### **SEXTO: MOCIÓN**

En data 7 de xuño de 2016, rexistro nº 758, tivo entrada a seguinte moción do grupo do BNG:



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**ÓSCAR GONZÁLEZ PARDO E MARÍA DO MAR HERMIDA PICO** en calidade de Concelleiros do **BLOQUE NACIONALISTA GALEGO**, en base á lexislación vixente presentan a seguinte

**MOCIÓN para solucionar os problemas de comunicación da veciñanza de Xermade.**

*Exposición de motivos.-*

As estradas provinciais están a sufrir un abandono xeneralizado que co paso dos anos se vai notando nun deterioro, tanto de firme como de limpeza de cunetas que fai que sexan case impracticables. Este é o caso da estrada que discorre por Burgás, en concreto no barrio das Casas Novas.

Por todo isto, o grupo municipal do BNG solicita do pleno da corporación municipal a adopción do seguinte

**ACORDO**

Solicitar da Área de Infraestruturas da Deputación Provincial de Lugo que:

- Acometa inmediatamente as obras de rexeneración do firme e a limpeza das cunetas na dita estrada, co fin de deixala en perfecto estado de circulación.

Toma a palabra o portavoz do BNG, para comentar que existe un parte de accidente motivado por un bache dunha cabina dun tractor, a continuación comenta que houbo un erro na moción e debe incluírse unha pista que aparece incluída na moción con rexistro nº 759, o apartado d) o punto quilométrico 1.600 da estrada LU-P 2202 (Casanova\_ Pedreira). Polo tanto, sometida a votación, a moción resulta aprobada por unanimidade dos concelleiros presentes.

En data 7 de xuño de 2016, rexistro nº 759, tivo entrada a seguinte mocion do grupo do BNG:

**ÓSCAR GONZÁLEZ PARDO E MARÍA DO MAR HERMIDA PICO** en calidade de Concelleiros do **BLOQUE NACIONALISTA GALEGO**, en base á lexislación vixente presentan a seguinte

**MOCIÓN para solucionar os problemas de comunicación da veciñanza de Xermade.**

*Exposición de motivos.-*

As estradas municipais están a sufrir un abandono xeneralizado que co paso dos anos se vai notando nun deterioro, tanto de firme como de limpeza de cunetas que fai que ás veces sexan impracticables. Este é o caso das seguintes estradas municipais:



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

- a) A estrada que une as vivendas do barrio do Reguengo coa LU-170 e a estrada que une o barrio do Reguengo con Leboré.
- b) A estrada que vai de Momán a Labrada.
- c) A estrada de Cazás ao seu paso pola Fonteboa e Os Portiños.
- d) O punto quilométrico 1,600 da estrada LU-P-2202 (Casanova-Pedreira).
- e) A estrada que vai desde Portosilva a Cavadas.
- f) A estrada que vai de Portalousa a Xemaré.

Por todo isto, o grupo municipal do BNG solicita do pleno da corporación municipal a adopción do seguinte

**ACORDO**

Que se acometan inmediatamente, con cargo aos orzamentos do ano 2016, as obras de rexeneración do firme e a limpeza das cunetas nas dita estradas co fin de deixalas en perfecto estado de circulación.

Toma palabra o Sr. Alcalde para comentar que se esta mirando de empezar a asfaltar estas pistas có crédito que se dispuxo no Orzamento municipal para o 2016.

Intervén a continuación o portavoz do Grupo popular para comentar que están de acordo coas melloras pero que vén difícil que se leven a cabo con este orzamento.

Polo tanto, sometida a votación, a moción resulta aprobada por unanimidade dos concelleiros presentes.

En data 7 de xuño de 2016, rexistro nº 760, tivo entrada a seguinte moción do grupo do BNG

**ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, a seguinte

**MOCIÓN**

*Exposición de motivos:*

*As estradas e pistas municipais presentan un estado de completo abandono. Unha das pistas é a que vai de Sucastro á Pena que mesmo presenta un gran socavón o que a fai practicamente intransitable.*

Por todo isto, o grupo municipal do BNG formula a seguinte **moción**:



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

- **Que o concello, con cargo aos orzamentos de 2016, arranxe a devandita pista inmediatamente.**

O portavoz do BNG pide que se anule esta moción e se acepta por repetición de contido.

En data 7 de xuño de 2016, rexistro nº 761, tivo entrada a seguinte moción do grupo do BNG

**ÓSCAR GONZÁLEZ PARDO E MARÍA DO MAR HERMIDA PICO** en calidade de Concelleiros do **BLOQUE NACIONALISTA GALEGO**, en base á lexislación vixente presentan a seguinte

**MOCIÓN para poñer en valor o premio Xermade na Historia.**

**Exposición de motivos.-**

O ano pasado de maneira unilateral o equipo de goberno decidiu desprestixiar o premio de investigación sobre os costumes e o patrimonio do noso concello. Ao rebaixar a contía do premio, converteuno en algo testemuñal e o claro exemplo é a case nula presenza de traballos relacionados coa cultura e a historia do concello.

Tampouco se lle dá a difusión necesaria para que colla pulo e a xente participe nel e ademais demorouse moito na presentación do II premio Xermade na Historia.

Por todo isto, o grupo municipal do BNG solicita do pleno da corporación municipal a adopción do seguinte

**ACORDO**

\* Que se incremente, dado o valor incalculable que supón recuperar a historia do noso concello, ata 3.000€ o valor do premio, repartidos 2.000€ para o 1º premio, 1.000€ para o 2º, para o ano 2017 e sucesivos, deixando xa así instaurado o valor do premio.

\* Que se lle dea a máxima difusión tanto ao fallo do xurado como á convocatoria do III premio Xermade na Historia.

\* Que se presente o máis axiña posible a convocatoria do III Xermade na historia para que a xente poida aproveitar o verán e comezar a investigación.

O Sr Alcalde intervén para comentar que se debería valorar facelo bianual, que o propoñen os técnicos.

Intervén a continuación o portavoz do PP para comentar que habería que aumentar o importe dos premios .

De seguido intervén a concelleira do BNG Dona María Do Mar Hermida Pico para comentar que deberían subirse os importes dos premios e que no centro no que traballa os premios son mais elevados. Continua dicindo que facer un traballo de investigación costa moitos cartos.



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

O Sr. Alcalde pregunta despois con qué cantidade estarían de acordo e se entra nun debate no que terminan acordando que falarán cos técnicos para decidir o importe.

Polo tanto, sometida a votación, a moción resulta aprobada por 6 votos a favor, 2 do BNG e 4 do PP e 5 de abstención do PSOE.

En data 24 de maio de 2016, rexistro nº 692, tivo entrada a seguinte mocion do grupo do BNG

**ÓSCAR GONZÁLEZ PARDO E MARÍA DO MAR HERMIDA PICO** en calidade de Concelleiros do **BLOQUE NACIONALISTA GALEGO**, en base á lexislación vixente presentan a seguinte

**MOCIÓN de exposición na páxina web da documentación municipal.**

*Exposición de motivos.-*

Toda a cidadanía por transparencia e dereito debe poder acceder á información das Administracións. Para que a veciñanza de Xermade poida consultar e coñecer todos os documentos relativos á vida municipal sen ter que ir aos bares nin achegarse ás oficinas do concello e coa intención de entre todas facer un concello máis transparente, que non todo sexa intencións senón feitos, é polo que o grupo municipal do Bloque Nacionalista Galego solicita do Pleno da corporación municipal a adopción do seguinte:

**ACORDO**

- Que se fagan públicos na páxina web do concello todos os decretos de alcaldía, bandos, actas dos órganos de goberno, actas nas que participen membros da corporación e todos aqueles documentos que se expoñen no taboleiro de anuncios do concello.

A secretaria municipal pide ao alcalde a palabra, para explicar que se ten cumpridos con case tódolos parámetros da transparencia na web que depende da Deputación de Lugo feito convenio coa Fegamp e que o persoal é escaso no Concello, que se fai todo o que se pode.

O Sr. Alcalde intervén a continuación para comentar que a Fegamp felicitou recentemente ao Concello polo traballo feito en materia de Transparencia por enriba dos demais concellos da provincia.

Polo tanto, sometida a votación, a moción resulta aprobada por 6 votos a favor, 2 do BNG e 4 do PP e 5 de abstención do PSOE.

**ROGOS**

O Grupo Municipal Do BNG formula os seguintes:



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

**1. ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, o seguinte

**ROGO**

*Exposición de motivos:*

*Nos pasados días alguén depositou materiais voluminosos no punto de recollida de plásticos agrícolas de Candamil.*

*Polo exposto, formulamos o seguinte rogo:*

- **Solicitamos que se facilite información á veciñanza sobre a recollida de plásticos agrícolas e de material voluminoso.**
- **Solicitamos que se retire o lixo acumulado no punto de recollida de plásticos.**

O Sr. Alcalde comenta que se facilitan moitas veces estos datos pero que non os leen.

**2. ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, o seguinte

**ROGO**

*Exposición de motivos:*

*O pasado sábado 28 de maio celebrábase no campo de fútbol de Roupar unha festa promovida polo club deportivo. Con motivo da celebración de tal evento o Concello de Xermade reforzou o número de colectores nas inmediacións das instalacións deportivas. Estes colectores estiveron unha semana cheos sen que a empresa adxudicataria do servizo os baleirase.*

*Polo exposto, formulamos o seguinte rogo:*

- **Valoramos moi positivamente a instalación dos colectores mais solicitamos que se instalen tamén nos campos das festas de comidas veciñais e das festas patronais para así facilitar o traballo das comisións de festas e dos postos ambulantes.**
- **Solicitamos que a empresa adxudicataria do servizo de recollida efectúe a recollida nestes puntos coa maior brevidade dado que a maioría do lixo acumulado nestes eventos é materia orgánica.**



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

O Alcalde di que se dan por enterados.

3. **ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, o seguinte

**ROGO**

*Exposición de motivos:*

*Nas pasadas semanas o señor alcalde saíu na prensa afirmando que a súa relación co BNG era mala e que exerciamos a crítica por sistema.*

*Non estamos de acordo coas súas palabras e gustaríanos que as retirase aquí no pleno e pedise desculpas ao noso grupo, aínda así, sabemos que non o vai facer e non entraremos nese debate.*

*Polo exposto, formulamos o seguinte rogo:*

- **Solicitamos que dende o día de hoxe todas as xuntanzas que teña co noso grupo sexan de carácter oficial e en presenza da secretaria do concello, convocándonos a elas en tempo e forma.**

O Alcalde comenta que cando sexa preciso se convocará a Xunta de Portavoces coa habitualidade e requisitos legais.

4. **ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, o seguinte

**ROGO**

*Exposición de motivos:*

No Barrio do Pedreiro hai dou colectores de vidro ubicados enriba da beirarrúa que dificultan o paso dos peóns pola mesma e incluso impiden o paso dunha cadeira de rodas.

Polo exposto, formulamos o seguinte rogo:

- Solicitamos que se busque outro posicionamento ós colectores para que non impidan o paso pola beirarrúa.

**PREGUNTAS:**

**Partido Popular**

**1-Don Antonio Riveira Requeijo**, voceiro do **grupo municipal do Partido Popular de Xermade**, ao abeiro da lexislación vixente presenta a seguinte pregunta



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

### EXPOSICIÓN DE MOTIVOS

O Concello de Xermade tén aprobada unha Ordenanza reguladora das actividades extractivas de madeira nos montes e espazos forestais do Concello de Xermade.

Nos últimos meses numerosas empresas fixeron retirada de madeira dos montes de Xermade, utilizando e afectando viais de titularidade municipal, en varias parroquias do Concello.

#### PREGUNTA

¿ Está o Concello de Xermade aplicando esa Ordenanza os últimos meses?

¿Pónse o alcalde ou equipo de goberno en contacto coas empresas extractoras para que acondicionen os camiños afectados pola retirada da madeira?

O alcalde responde que si que falou do tema con varias empresas e se lles vai a requerir a algunhas empresas que se coñece que non teñen en conta a lexislación vixente que non solicitan os permisos.

**2- Don Antonio Riveira Requeijo**, voceiro do **grupo municipal do Partido Popular de Xermade**, ao abeiro da lexislación vixente presenta a seguinte pregunta para que sexa respostada no vindeiro pleno do Concello de Xermade

### EXPOSICIÓN DE MOTIVOS

O sábado 28 de maio pasado, saleu publicado no Boletín Oficial da Provincia de Lugo o decreto da alcaldía número 104/2016 de 20 de abril de 2016 no que Don Roberto García Pernas, alcalde do Concello de Xermade, delega nos tenentes de alcalde Don José Prieto Barro, Don Luís A. Vilasuso Seco e Don Carlos Alberto Guerra González a facultade de dirixir e xestionar todos os asuntos/materias de competencia municipal recollidos no artigo 25 da LBRL, incluída a facultade de resolver mediante actos administrativos que afecten a terceiros, e concretamente e concretamente as atribucións municipais recollidas no artigo 21 da LBRL, referentes ás competencias atribuídas ao municipio no artigo 25 da LBRL, agás as non delegables por lei.

Dadas as substanciais variacións respecto ó acordado no pleno de organización en relación á dedicación do alcalde ao Concello, plantexámoslle a seguinte

#### PREGUNTA

¿Tén previsto o alcalde por iniciativa propia axustar a remuneración fixada para a súa actividade como alcalde en función de esas delegacións?

O alcalde contesta que se fai para que a xestión do Concello non se paralice cando esté ausente por algun motivo extraordinario.

O portavoz do Grupo popular comenta que parece que o decreto era xeral e se aclara que é por ausencia o enfermidade.

**3- Don Antonio Riveira Requeijo**, voceiro do **grupo municipal do Partido Popular de Xermade**, ao abeiro da lexislación vixente presenta a seguinte pregunta para que sexa respostada no vindeiro pleno do Concello de Xermade

### EXPOSICIÓN DE MOTIVOS

En maio do ano 2.015 a Deputación de Lugo e o entón portavoz do PSOE de Xermade, Don



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

Roberto García Pernas, anunciou a construción dunha beirarúa na estrada que vai da Casanova á Torre, en Roupar, no treito ata o cemiterio. A beirarúa foi presentada pola vicepresidenta segunda da Deputación e o agora alcalde de Xermade como a executar “en breve”.

Un ano despois o proxecto téñ que ser modificado porque o presentado naquel momento non cumpría, nin sequera, as condicións que poñen os servizos técnicos da Deputación.

Ante esa actuación o Grupo Popular do Concello de Xermade plantéxalle as seguintes

### PREGUNTAS

¿Sabe o Señor alcalde que cando presenta ese proxecto e se inician as obras non estaba informado favorablemente pola propia Deputación de Lugo?

¿Quen vai asumir o coste de facer parte da obra sen autorización, que leva consigo incluso a retirada do todo o recheo realizado?

¿Sabe cando está previsto realizar as obras cos condicionantes mínimos impostos polos técnicos da Deputación de Lugo?

O Alcalde contesta que é a asociación de veciños de Roupar a que se encarga xa que hai un convenio con eles.

4. **Don Antonio Riveira Requeijo**, voceiro do **grupo municipal do Partido Popular de Xermade**, ao abeiro da lexislación vixente presenta a seguinte pregunta para que sexa respostada no vindeiro pleno do Concello de Xermade

### EXPOSICIÓN DE MOTIVOS

Ante a chegada da época estival en que ten lugar un incremento notable do crecemento da vexetación que invade as estradas, pistas e camiños do Concello de Xermade a situación non parece controlada polo equipo de goberno do Concello de Xermade.

O ano pasado 2.015 coa mesma inversión de anos anteriores actuouse na metade de vías que se desbrozaba en anos anteriores, con un traballo de regulares resultados, ademais de varios percances nos viais.

O alcalde de Xermade anunciou que iba mercar un tractor con desbrozadora para realizar a limpeza das vías municipais e outras.

### PREGUNTA

A estas alturas do ano, ¿para cando téñ previsto o inicio da limpeza de vías?

Na adquisición do tractor, ¿tentou conquistar algunha axuda de outras administracións como Deputación ou Consellerías da Xunta de Galicia ou algún tipo de financiación?

No estudio de costes, que seguro que téñ feito, ¿como lle salen as contas?

¿Tén o Concello personal capacitado para realizar os traballos todo o tempo das actuacións?

O Alcalde contesta que pensa empezar para a semana que vén se recepcionará o tractor e que se financia ao 100% . Contesta tamén que hai dous peóns contratados para estes efectos que están subvencionados tamén ao 100 %.

5. **Don Antonio Riveira Requeijo**, voceiro do **grupo municipal do Partido Popular de Xermade**, ao abeiro da lexislación vixente presenta a seguinte pregunta para que sexa respostada no vindeiro pleno do Concello de Xermade

### EXPOSICIÓN DE MOTIVOS

En novembro do ano 2.014 o entón presidente da Deputación de Lugo, Don Xosé Ramón Gomez Besteiro, co entón portavoz do PSOE de Xermade, Don Roberto García Pernas, anuncio unha inversión de 650.000 na estrada 22-04 de Momán á de As Pontes a Portosouto.

As deficientes obras iniciais realizadas nun tramo de dous kilómetros foron paralizadas e na



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

actualidade a situación da estrada é peor que no momento das primeiras manifestacións realizadas sobre ela.

Recentemente o alcalde de Xermade asistiu a unha cerimonia relixiosa de protesta por non realizar a mellora da estrada.

Ante esa actuación o Grupo Popular do Concello de Xermade plantéxalle a seguinte

### PREGUNTA

Encoméndase o Señor alcalde ó Noso Señor para conquistar o arranxo da estrada?

A Deputación Provincial de Lugo, coa que amosaba ter tan boas relacións, non atende as súas peticións para mellorar a calidade de vida de todos os habitantes?

Tén previsto algunha iniciativa máis para que se mellore a estrada?

O Alcalde contesta que estivo en representación dos veciños, que non ten competencias na Deputación nin influencia algunha.

**6. Don Antonio Riveira Requeijo**, voceiro do **grupo municipal do Partido Popular de Xermade**, ao abeiro da lexislación vixente presenta a seguinte pregunta

### EXPOSICIÓN DE MOTIVOS

En días pasados, o alcalde de Xermade, amosou na prensa a súa satisfacción polos logros acadados coa realización do inventario de camiños municipais.

### PREGUNTA

¿ En que situación está ese inventario de camiños?

¿Pode facilitar copia das condicións técnicas que vai cumprir ese inventario?

¿Que coste vai ter o inventario de camiños?

¿Ten previsto comunicarse cos restantes grupos políticos municipais para o estudo e realización do inventario de camiños?

O alcalde resume a documentación relativa ao expediente do inventario de camiños, a empresa adxudicataria, o importe, etc..

**7. Don Antonio Riveira Requeijo**, voceiro do **grupo municipal do Partido Popular de Xermade**, ao abeiro da lexislación vixente presenta a seguinte pregunta

### EXPOSICIÓN DE MOTIVOS

Nestes plenos, se lle preguntou varias veces sobre cans soltos nas vías públicas, en concreto no verán de 2015. Novamente hai un can, pastor alemán, que leva varios días encerrado nas instalacións do Concello, debaixo dunhas chapas, co conseguinte aporte de calor en días como o desta semana, e nunhas condicións bastante lamentables.

### PREGUNTA:

Ante esta situación, ¿ chamou vostede a algunha asociación, entidade.. para que se faga cargo do animal?

¿ ten previsto este concello celebrar algún convenio e/ ou contrato para que se fagan cargo dos animais abandonados que aparecen no termo municipal? ¿ ou pola contra, vai tomar algún tipo de medida para facerse cargo polos seus propios medios desta situación?

O Alcalde di que está mirando de facer algún convenio coas protectoras de animais a estos



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

efectos, mentres tanto estarán en cuarentena ao lado da nave de Xermade.

**BLOQUE NACIONALISTA GALEGO**

**1. ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

**PREGUNTAS**

*Exposición de motivos:*

Nas pasadas semanas tivo lugar a licitación para mercar o tractor e a desbrozadora para o concello de Xermade. Damos por feito que na maior brevidade de tempo posible comezarán a desbrozarse as pistas.

Polo exposto, o noso grupo formúlalle as seguintes **preguntas**:

- **Foi realmente público o proceso? Como foron informadas as empresas que participaron nel?**
- **Cantas empresas ofertaron na licitación?**
- **Cal é finalmente a empresa adxudicataria?**
- **A día de hoxe, dispón o concello dun carro homologado para transportar combustible? E dun depósito na nave multiusos?**

O Alcalde resposta que o proceso foi aberto e público.

( Sendo as 21:42 horas a portavoz do BNG ausentase durante uns minutos)

O Alcalde continúa resumindo o proceso de contratación de estas sumministracións.

O portavoz do BNG comenta que espera que todo vaia ben xa que utilizar unha desbrozadora é difícil, non é como un tractor.

**2. ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

**PREGUNTAS**

*Exposición de motivos:*

O pasado 3 de maio produciuse unha rotura na traída de auga municipal realizando un rego de escasa profundidade cun arado agrícola traballando nunha leira. A persoa que causou o incidente púxose en contacto co señor alcalde arredor das 6 da tarde, este avisou a Miragaya que chegou ao lugar pasadas as oito da tarde dicindo que non tiña material para reparar a fuga. Posteriormente, tivo que vir unha empresa das Pontes para levar a cabo os traballos.



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

Polo exposto, o noso grupo fórmúlalle as seguintes **preguntas**:

- **Non foi informado o fontaneiro encargado do mantemento no momento de adxudicar o contrato da situación en que estaba a traída municipal? Nin tampouco do diámetro das tubaxes?**
- **Tan raro é o uso de tubaxes de diámetro 63 mm en traídas de auga municipal como para que o fontaneiro encargado do seu mantemento non dispoña de material para reparar a tubaxe?**
- **Cal é o importe da factura da empresa que finalmente reparou a fuga?**
- **Quen vai asumir os custos da reparación, a empresa adxudicataria ou o concello?**

O Alcalde responde que non tiña ese material o fontaneiro do Concello, que o importe da factura foron sobre 150 euros e que a man de obra a vai asumir a empresa adxudicataria.

3- **ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** fórmulanlle a Vde., as seguintes

### **PREGUNTAS**

#### *Exposición de motivos:*

O pasado mércores 1 de xuño estaban os operarios contratados para o coidado de espazos naturais aplicando algún líquido coa sulfatadora nas herbas que nacen nas beirarrúas no lugar do Pedreiro.

Polo exposto, o noso grupo fórmúlalle as seguintes **preguntas**:

- **Que líquido se estaba a aplicar? Ten algo que ver a realización destas tarefas co coidado de espazos naturais para o que foron contratados os peóns?**
- **Ata onde nós sabemos as beirarrúas son espazos públicos nos que é obrigatorio sinalizar cando se aplica algún produto como este, coñecía o señor alcalde esta normativa?**
- **Dispón o persoal contratado do carné de fitosanitarios?**
- **Entendemos que se estaba aplicando algún tipo de herbicida, sabe o señor alcalde que estes líquidos conteñen glifosato?**

O Alcalde toma a palabra para contestar que o persoal que traballa teñen os carnets obrigatorios, un o básico e outro o cualificado. Continúa explicando que tipo de líquido se vota nas beirarrúas comentando que non é contaminante por eso non se sinala.



## CONCELLO DE XERMADE

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

O Portavoz do BNG intervén ma quenda de réplica para contestar que os espazos verdes non están ben coidados.

**4- ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

### PREGUNTAS

#### *Exposición de motivos:*

Nas pasadas semanas o señor alcalde púxose en contacto coas directivas das asociacións veciñais para que estas informasen de que pistas na parroquia teñen máis necesidade de reparar, cales son as que están en peor estado, etc.

Polo exposto, o noso grupo formúlalle as seguintes **preguntas:**

- **Son as directivas das asociacións as que deben decidir as prioridades de asfaltado en cada parroquia?**
- **Non é quen de ver por si mesmo o estado das pistas cando percorre o concello?**
- **Os orzamentos aprobados en febreiro contemplaban o asfaltado e mellora de diversas estradas do concello, canda pensa acometelas?**
- **Cando vai comezar o bacheado das estradas?**

O Alcalde intervén para comentar que non recorda ter falado coas asociacións para o tema dos asfaltados e que se está redactando unha memoria polo técnico do Concello e se vai sacar a licitación en canto remate e se tramite o expediente administrativo.

**5- ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

### PREGUNTAS

#### *Exposición de motivos:*

A escaseza de auga na traída municipal é un problema habitual durante os veráns no concello de Xermade, pese a iso, non hai ningunha actuación concreta programada con cargo aos orzamentos deste 2016.

Dende o pasado sábado no barrio do Chao en Cabreiros notouse unha baixada significativa da presión na auga que en momentos puntuais do día non é suficiente para o funcionamento dos quentadores de butano situados en moitas ocasións na primeira planta da vivenda.

Polo exposto, o noso grupo formúlalle as seguintes **preguntas:**



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org

- **Fíxose algunha xestión para incrementar o volume de auga POTABLE ou ten pensado seguila collendo no río?**
- **A que se debe o problema no barrio do Chao?**
- **Está a empresa encargada do mantemento da fontanería ao tanto?**

O Alcalde comenta que o problema do Barrio do Chao eran os filtros, que estaban mal e que se está negociando para aumentar o volume da auga potable e incluír algún manancial.

6- **ÓSCAR GONZÁLEZ PARDO e MARÍA DO MAR HERMIDA PICO**, en calidade de Concelleiros do **BLOQUE NACIONALISTA GALEGO** formúlanlle a Vde., para que sexa atendido no vindeiro Pleno da Corporación Municipal, as seguintes

**PREGUNTAS**

*Exposición de motivos:*

Con cargo aos orzamentos deste ano 2016 está previsto levar a cabo o asfaltado da pista de Uzal en Lousada.

Polo exposto, o noso grupo formúlalle as seguintes **preguntas**:

- **Cando está previsto que comecen as obras ?**
- **As obras teñen que estar finalizadas no mes de setembro xa que comeza o curso escolar e é condición indispensable que a pista se atope asfaltada para que se autorice a parada. Ten isto en conta o equipo de goberno?**
- **Que empresa vai levar a cabo as obras?**

O Alcalde toma palabra para comentar que o arranxo da pista de Uzal vaise incluír no PDR, subvención que se concedeu para o asfaltado de camiños e que está en trámite administrativo para a adxudicación, resume o procedemento que é aberto con varios criterios de adxudicación e demais cuestións relativas á contratación .

7- O Portavoz do BNG intervéñ para leer uns mails dunha veciña que parece ser foron remitidos ao Alcalde no seu día e que protestan por diversas cuestións (non lle constan a esta secretaria tales mails, polo tanto non se poden reproducir).

Finalmente Pide a palabra a Concelleira do BNG María Do Mar Hermida Pico para preguntar polo campamento de verán.

O Alcalde contesta que á técnico competente está a preparar o expediente pertinente.



**CONCELLO DE XERMADE**

Praza do Concello, s/n  
27833 Xermade (Lugo)  
Tel.: 982 501 001  
Fax: 982 501 027  
www.xermade.org


**ADVERTENCIA DE ILEGALIDADE POLA SECRETARIA MUNICIPAL.**

Pide a palabra a secretaria municipal para facer unha advertencia de ilegalidad sobre a enmenda ao acordo de alcaldía aprobada no terceiro punto do orde do día, comentando a normativa aplicable do Real Decreto 2568/1986 de 28 de novembro, Regramento de Organización e Funcionamento da administración Local( ROF) e explicando que o acordo mencionado ten aparencia de anulable ou incluso de nulo de pleno dereito por falta absoluta de procedemento (trátase a priori dunha revisión encuberta dun acordo plenario de xullo do 2015) ou incluso por falta de competencia , no obstante se emitirá unha vez estudiado o tema a fondo pola Secretaria Municipal o informe pertinente se procede.

Non habendo máis asuntos que tratar, o Sr. Presidente levanta a sesión, sendo as vinte dous e cinco minutos do expresado día. Autorízase a presente acta coa sinatura do Alcalde e da Secretaria que da fe.

V.e Pr.

O Alcalde



Asdo.- Roberto García Pernas.

A Secretaria Interventora



Asdo.: Paula Campos Rodríguez